

آسف حبيبتي

باقولها من قلبي الغبي
مخلوق فقير ...
ولا عمرى كنت فى يوم غنى
لا ملكت انى اكون امير ...
لجل اسعدك ...
ولا اكون لك القلب الوفى
كل اللى عندى يا دوب ...
حبه من ضمير
موروثه من جدى الولى
مين اللى قال انى نبى ...
وجيت لك فى توب الانبيا
انا كنت رميو فى حينا
صورى على كتب البنات
لفه معاها الانديه
كاتب جوابتى

على ضى شمعۃ حبنا
كاس الغرام مليون ...
نبیذ من شهدنا
ویوماتی فی الحب
كنت اسكر هنا
عشانك انت ...
كرهت ابله الحساب
وكل شیء جواه حساب
وقفلت باب المدرسه
کتبت على كل صفحات الكتاب
اسف حببتی ...
باقولها من قلبی الغبی *